

辛亥革命文獻叢刊

◎ 周光培 主編

13

廣陵書社



主編 周光培

辛亥革命文獻叢刊

第十三冊

廣陵書社

第一冊

革命文牘類編

時事新報館發行



革命文牘類編

例言

一本編所選以革命軍政府業經發表之文牘爲主故名革命文牘類編

一本編分爲 檄告 佈告 照會 示諭 函牘 祭告 章程及規則 電報

凡八類各文依類編列不稍紊雜

一廣東革命在辛亥三月雖未及設立軍政府其文牘已發表者皆列於每類之前

一湖北軍政府首先成立故各文選錄較多

一湖南軍政府相繼成立及已發表之文牘亦一律選錄列於湖北軍政府文牘之次

一各省革命軍紛起響應以後各處文牘尙當詳爲搜輯陸續編訂印行

一文牘之無關重要者酌量刪棄閱者諒之

中華民國元年

一、本報之宗旨在宣傳革命之理想與事實

一、本報之宗旨在宣傳革命之理想與事實

一、本報之宗旨在宣傳革命之理想與事實

一、本報之宗旨在宣傳革命之理想與事實

一、本報之宗旨在宣傳革命之理想與事實

一、本報之宗旨在宣傳革命之理想與事實

一、本報之宗旨在宣傳革命之理想與事實

一、本報之宗旨在宣傳革命之理想與事實

一、本報之宗旨在宣傳革命之理想與事實

附言



革命文獻叢刊

革命文牘類編

檄文類

檄天下文（其一）

天運〇年〇月〇日。中華國民軍東軍都督。奉軍政府命。以軍政府之宗旨及條理。布告國民。今者國民軍起。立軍政府。滌二百六十年之□□。復四千年之祖國。謀四萬萬人之福祉。此不獨軍政府責無旁貸。凡我國民。皆當引爲己責者也。維我中國。開國以來。以中國人治中國。雖間有異族篡據。我祖我宗。尙能驅除光復。以貽後人。今漢人倡率義師。殄除□□。此爲上繼先人遺烈。大義所在。凡我漢人。當無不曉然者。惟前代革命。如有明及太平天國。祇以驅除光復自任。此外無所轉移。我等今日與前代殊。於驅除□□。恢復中華之國體民生。尙當與民變革。雖經緯萬端。要其一貫之精神。則爲自由平等博愛。故前代爲英雄革命。今日爲國民革命。所謂國民革命者。一國之人。皆有自由平等博愛之精神。卽皆負革命之責。

革命文牘類編

檄文類

二

任。軍政府特爲其樞機而已。自今以往。國民之責任。卽軍政府之責任。軍政府之功。卽國民之功。軍政府與國民同心戮力。以盡責任。用特披露腹心。以今日革命之經綸。暨將來治國之大本。布告天下。

一。驅除□□（下略）

二。恢復中華。中國者。中國人之中國。中國之政治。中國人任之。驅除□□之後。光復我民族的國家。敢有爲石敬瑭吳三桂之所爲者。天下共擊之。

三。建立民國。今者由平民革命。以建國民政府。凡爲國民。皆平等。以有參政權。大總統由國民公舉。議會以國民公舉之。議員構成之。制定中華民國憲法。人人共守。敢有帝制自爲者。天下共擊之。

四。平均地權。文明之福祉。國民平等以享之。當改良社會經濟組織。核定天下地價。其現有之地價。仍屬原主所有。其革命後社會改良進步之增價。則歸於國家。爲國民所共享。造社會的國家。俾家給人足。四海之內。無一夫不獲其所。敢有壟斷

以制國民之生命者。與衆棄之。

右四綱。其措施之次序。則分三期。第一期爲軍法之治。義師旣起。各地反正土地人民。新脫□□羈絆。其臨敵者。宜同仇敵愾。內輯族人。外禦寇讐。軍隊與人民。同受治於軍法之下。軍隊爲人民戮力破敵。人民供軍隊之需要。及不妨其安享。旣破敵者。及未被敵者。地方行政軍政府總攝之。以次掃除積弊。政治之害。如政府之壓制。官吏之貪婪。差役之勒索。刑罰之殘酷。抽捐之橫暴。辦髮之屈辱。與□□勢力。同時斬絕。風俗之害。如奴婢之畜養。纏足之殘忍。鴉片之流毒。風水之阻害。亦一切禁止。每一縣以三年爲限。其未及三年。已有成效者。皆解軍法布約法。第二期爲約法之治。每一縣旣解軍法之後。軍政府以地方自治權。歸之其地之人民。地方議會議員。及地方行政官。皆由人民選舉。凡軍政府對於人民之權利義務。及人民對於軍政府之權利義務。悉規定於約法。軍政府與地方議會及人民。各循守之。有違法者。負其責任。以天下平定後六年爲限。始解約法布憲法。第三

革命文牘類編

檄文類

四

期爲憲法之治。全國行約法六年後。制定憲法。軍政府解兵權。行政權。國民公舉大總統。及公舉議員以組織國會。一國之政事。依於憲法以行之。此三期。第一期爲軍政府督率國民掃除舊污之時代。第二期爲軍政府授地方自治權於人民。而自總攬國事之大。第三期爲解除權柄。憲法上國家機關。分掌國事之時代。俾我國民。循序以進。養成自由平等之資格。中華民國之根本。胥於是乎在焉。以上爲綱有四。其序有三。軍政府爲國戮力。矢信矢忠。終始不渝。尤深信我漢人必能踔厲堅忍。共成其業。漢族神靈。久焜耀於四海。比遭邦家多難。困苦百折。今際光復時代。其人人各發揚其精色。我漢人同爲軒轅之子孫。國人相視。皆伯叔兄弟。諸姑姊妹。一切平等。無有貴賤之差。貧富之別。休戚相共。患難相救。同心同德。以衛國保種。自任戰士。不愛其命。閭閻不惜其力。則革命可成。民政可立。願我四萬萬人共勉之。

檄天下文(其二)

天運辛亥紀元四千六百有九年。中華國革命軍南北總統□敢檄告於我二十二省漢族父老兄弟諸姑姊妹之前曰。自□□入關以來。荼毒我黃裔。擾亂我神明。赤縣神州。腥羶遍染。我同胞惕於專制淫威。任其蹂躪踐踏。奴隸牛馬。而不能揚眉吐氣者。二百六十餘年於茲矣。今者□運告終。人心歸漢。革命風潮。一日千里。□□不才。奉軍政府命。率大兵數十萬。將於□月□日。共舉義旗。肅將天討。直搗燕京。犁□庭穴。恐□漢族中有未能周知軍政府之意者。爰數□之罪。願我中華國民。其悉心以聽（中略）國家建設政府。所以捍衛國民也。彼□以惡劣無能。陷吾民如此悲境。強鄰虎伺。楚歌四面。瓜分之機。如張勁弩。吾同胞鑑於亡國之苦。滅種之慘。於是各省各埠。起創國民軍。夫國民軍之組織。以禦外侮爲宗旨。非與爾□□爲難也。乃□出其甯贈朋友。無喪家奴之手段。曰嚴禁。曰解散。致使已成者。歸於水泡。未成者。不敢再倡。吾民講自衛之策。□則百方阻撓之。是亡我國者。非外人。實□□政府也。故□□政府不除。吾國終無興復之一日。此不可不急起革命者一。

西人稱吾國曰黃金世界。苟使實業振興。鐵道興修。礦山採掘。則財尚可勝用哉。□不爲吾民提倡。專以剝削吾民爲能。吾民窮矣。倡言借款。名曰改革幣制。實則不過供□君臣之娛樂而已。四國借款。日本借款以還。□政府已置吾民之生命財產於各國範圍之下。吾民其知之否。將來用不得當。償還無術。各國派兵實行監督。吾民尙有死所乎。此不可不急起革命者二。

全國饑民。數逾千萬。迫飢寒而死者。道路相望。相彼西人。既非同種。又非同族。尙爲之呼號覓捐。奔走放賑。乃反觀□政府。從未聞有一粟一粒之施。如謂無款也。何以□□□□□□輩。一興府第。而動需數千萬。小□□□□□氏。一修□□園。而動需數百萬也。噫。彼□□早視吾漢族。皆爲寇讐。恨死之唯恐不多也。嗟乎吾同胞。割膏血以養□□。不惟不憐之。反而殺之。傳曰。非我族類。其心必異。此不可不急起革命者三。

夫以黃神遺胄。稟性靈淑。而□□一入。奄然蕩盡。凡有血氣。宜不與共戴天。故自□

口以來。朱一貴起於台灣。林清起於山東。王三槐起於四川。洪秀全起於廣西。張樂行起於河南。其他如近日義師之起。不可勝數。豈實迫於饑寒。抑自有帝王之志。誠以豺狼之族。不可不除。腥氈之氣。不可不滌。故肝腦塗地而不悔也。今者民氣發揚。同趨革命。口知其大命將傾。乃以爲立憲誘我漢族。陽示仁義。包藏禍心。專任口人死相撐拒。我國民伯叔兄弟。亦既燭其奸慝。弗爲惑亂。以口寇孔棘之故。惟有指日北伐。摧其巢穴。殲其渠魁。以爲中華民族請命。幕府總攝維綱。輯和宗族。懼草澤英雄。帝制自爲。同類相殘。授虜以柄。又懼新學諸彥。震於泰西文明。勸工興商。漫無限制。爲使豪強兼并。細民無食。致成他日社會革命。爲是與四萬萬人共約曰。自盟以後。當掃除口口。恢復中華。建立民國。平均地權。有渝此盟。四萬萬人共擊之。嗚乎。我中華國民。伯叔兄弟諸姑姊妹。誰無父母。誰非同氣。以東口羣口。盜我息壤。我先帝先王。亦既喪其血食。在帝左右。旁皇無依。我伯叔兄弟諸姑姊妹。亦既降爲臺隸。與牛駒同受笞箠之苦。有不寢苦枕塊。挾弓而鬪者。當何以爲黃帝之子孫。邇來軍中

革命文牘類編

檄文類

八

之事。復有所誥誡曰。毋作妖言。毋仇外人。毋排他教。昔南方諸會黨。與燕齊義和團之屬。以此三事。自致不競。太平洪王之興。又定一尊於天王。燒夷神社。震驚孔廟。遂令士民恐恚。爲□前驅。惟是二者。皆不可以崇效。我國民之智者。則旣知引以爲戒。其有壯士寡昧不學。宜以此善導之。使知宗教殊塗。初無邪正。黃白異族。互相通商。苟無大害於我軍事者。一切兼容并包。有違節制。悉以軍律治罪。又我漢族仕宦於□□者。旣爲同種。豈遽忘□□入關之初。暴爾祖父淫爾姑母之大辱乎。徒以熱中利祿。受彼脅迫。苟能於革命大軍臨城之日。舍逆取順。翻然改圖。及有束身待命。以一城一邑獻者。任官如故。若自忘其本。爲□效力。以扼我大兵之行。一遭俘虜。殺無赦。其有爲□間諜者。亦殺無赦。又爾□□人。受我中華之卵育者。二百餘年。尺布粒粟。何非資於我大國。爾自伏念食土之毛。不懷報德。反爲寇仇。而與我大兵抗。以爾四體膏我斧鉞。爾撫爾膺。又誰怨。若自知不直。願歸部落。以爲我中華保塞。建州一衛。爾舊區。其速返於吉林黑龍江之域。若願留中國者。悉歸農牧。一切與齊

民等視。惟我政府。蕭勺羣慝。淳化蟲蛾。有同面內向者。懷柔以體。選舉租賦。必不使爾有所輕重。爾若忘我漢德。爾惡不悛。爾口人之歸化於漢土者。乃蹀足警款。與外口響應。軍政府則大選將士。深入爾阻。犁爾庭。掃爾閭。絕爾種族。築爾尸以爲京觀。如律令。布告天下。訖於蒙古回部青海西藏之域。

檄天下文（其二）

粵維我祖軒轅。肇開疆土。奄有中夏。經歷代聖哲賢豪之締造。成茲文明古國。凡吾族今日所依止之河山。所被服之禮教。所享受之文物。何一非我先人心血頸血之所遺留。故覩城邑宮室。則思古人開土殖民之惠。覩干戈戎馬。則思古人保種敵愾之勤。覩典章法制。則思古人貽謀教誡之殷。駿譽華聲。世世相承。如一家然。父傳之子。祖衍之孫。斷不容他族干其職。姓何物。敢亂天紀。挽弓介馬。竟履神皋。夫口口者非他。黑水之舊部。女真之口口口口口口口口口口。罔通人理。始則寇邊抄擄。盜我財物。繼則羨我膏腴。耽我文繡。利我國土。遂窺神器。惟野蠻之不能統文明。戎狄之不能

革命文牘類編

檄文類

十

統華夏。少數之不能統多數。故入關之初。極肆凶威。以爲恐嚇之計。我十八行省之。父老兄弟諸姑姊妹。莫不遭逢淫殺。靡有子遺。若揚州。若江陰。若嘉定。屠戮之慘。紀載可稽。又復變法易服。使神明衣冠。淪於禽獸。而歷代相傳之文教禮俗。掃地盡矣。乃其焚毀書籍。改竄典冊。興文字獄。羅致無辜。穢詞妖言。尊曰聖諭。戴仇養賊。謬曰正經。務使人人數典而忘其祖。是其害乃中於人心風俗。不但誅殺已也。嗚呼同胞。誰無心知。卽不能憶父老之遺聞。且請觀於各省駐防之誰屬。重要職權之誰掌。其用意可揣知矣。二百六十年好淫苛忍之術。言之已不勝言。至今日則發之愈遲。而出之愈刻也。今日者。海陸交通。外侮日急。亦有家室。誰不圖存。彼以利害相反。不惜倒行逆施。故開智識。則爲破其法律。尙武技。則爲擾其治安。於是百術欺愚。一意壓制。假立憲之美名。行中央集權之勢。借舉行新政之虛說。以爲搜括聚斂之端。而乃日修園陵。治宮寢。賚嬖倖。賞民賊。何一非吾民之膏血。飢民遍野。呼籲弗靈。哀鴻嗷嗷。是誰奪其生產。而置之死地。且矜其甯送友邦。弗與華族之謬見。今日獻一地。明